



Prifysgol Bangor: Polisi Panopto

Mae'r brifysgol wedi ymrwymo i ddarparu lefel uchel o gefnogaeth i ddysgwyr a mynediad cynhwysol at ddeunyddiau addysgu. Mae recordio darlithoedd gan ddefnyddio Panopto yn elfen allweddol o hyn. Cydnabyddir bod recordio darlithoedd (neu sesiynau hyfforddedig eraill) **ddim** yn cael eu ystyried fel rhywbeth i gymryd lle bod yn bresennol mewn dosbarth. Yn wir, mae ymchwil yn tynnu sylw at effeithiau negyddol posibl ar gyrhaeddiad myfyrwyr o orddibyniaeth ar recordio darlithoedd yn lle bod yn bresennol mewn dosbarth. Ond o'i ddefnyddio fel adnodd i gefnogi dysgu myfyrwyr, gall roi'r buddion canlynol:

- Caniatáu i fyfyrwyr newid/adolygu/adnewyddu eu nodiadau darlith.
- Caniatáu i fyfyrwyr ailedrych ar wybodaeth nad oeddent efallai wedi ei deall yn y dosbarth.
- Fel cymorth adolygu (pan gaiff ei ddefnyddio mewn cyfuniad â ffynonellau gwybodaeth eraill).
- Cefnogi amgylchedd addysgu a dysgu cynhwysol.
- Cefnogi myfyrwyr rhyngwladol nad Saesneg neu Gymraeg yw eu hiaith gyntaf (fel bo'n briodol).
- Cefnogi myfyrwyr gyda chynlluniau Cefnogi Dysgu Personol.
- Cefnogi myfyrwyr na fydd efallai'n gallu mynd i ddsbarthiadau oherwydd rhesymau fel salwch, cyfrifoldebau gofalu, anawsterau trafndiaeth neu ymrwymadau gwaith na ellir eu hosgoi.
- Cefnogi myfyrwyr sy'n cynrychioli'r brifysgol mewn gemau chwaraeon.

Er mwyn sicrhau profiad cyfartal, mae'r brifysgol yn disgwyl y canlynol:

1. Dylai staff recordio pob sesiwn tebyg i ddarlith fel mater o drefn.
2. Ar gyfer mathau eraill o sesiynau hyfforddedig, dylid ystyried a ellir recordio rhain. Er enghraifft, efallai na fydd sesiwn ymarferol yn y labordy yn ei gyfanrwydd yn addas i'w recordio, gall gwybodaeth ragarweiniol neu arddangosiad fod yn addas.
3. Lle nad yw sesiynau'n addas i'w recordio, dylai staff ystyried pa ddeunyddiau dysgu a ddarperir i gefnogi'r sesiwn. Er enghraifft, gallai crynodeb byr o arddull 'podlediad' a gofnodwyd trwy Panopto fod yn briodol. Fel dewis arall neu'n ychwanegol at hyn, cyfeirio myfyrwyr i ble y gallant gael gwybodaeth bellach am y pynciau allweddol yr ymdrinnir â nhw ("os ydych angen rhagor o eglurhad am X edrychwch ar yr adnodd hwn yma...").
4. Ar ddechrau pob modiwl lle defnyddir Panopto, dylai staff roi gwybod i'r myfyrwyr y bydd yn cael ei recordio (trwy gyhoeddi yn y dosbarth ac ar Blackboard). Bydd angen i'r darlithydd egluro beth fydd yn cael ei recordio (hynny yw, ai fideo a/neu sain ydyw).
5. Mae gan fyfyrwyr yr hawl i wrthod cael eu recordio neu i ofyn am gael eu dileu o recordiad os oes modd eu hadnabod.
 - a. Os nad yw myfyriwr eisiau ymddangos ar recordiad fideo, gellir dweud wrthynt lle i eistedd er mwyn bod oddi ar gamera.
 - b. Os nad yw myfyrwyr eisiau i'w lleisiau gael eu recordio, gellir oedi ac ail-ddechrau recordiadau yn ôl yr angen. Cydnabyddir y gall pa mor aml y bydd rhaid gwneud hyn ddylanwadu ar hyfywedd recordio sesiwn benodol.

6. Yr academydd sydd â'r rheolaeth eithaf dros wneud recordiad a'i ryddhau. Gall staff oedi neu atal y recordiad yn ystod darlith fyw, er enghraifft i annog trafodaeth neu gyfranogiad, neu yn ystod trafodaeth ar ddata/deunydd sensitif.

Mae'r brifysgol yn gwarantu:

1. Ni fydd recordiadau Panopto yn cael eu defnyddio yn lle darlithoedd yng nghyd-destun gweithredu diwydiannol.
2. Ni fydd recordiadau Panopto presennol neu rai sydd wedi eu harchifo yn cael eu defnyddio yn lle addysgu oni bai y ceir cytundeb penodol yr aelod staff dan sylw (hynny yw, yn achos salwch neu pan na fydd ar gael).

Cydnabyddir na all recordio darlith fod yn addas i rai sesiynau hyfforddedig, e.e. tiwtorial, seminar neu ddsbarth maes a/neu lle mae cynnwys y sesiwn o natur gyfrinachol neu sensitif.

Hefyd, gall amgylchiadau technegol neu weithredol annisgwyl godi, fel nad yw sesiwn yn cael ei recordio, ond dylid gwneud pob ymdrech resymol i oresgyn yr anawsterau hyn. I'r rhai sy'n defnyddio'r recordiadau, dylid ystyried natur amrywiol recordio byw hefyd.

Os ydych chi'n recordio darlithoedd i'w defnyddio gyda myfyrwyr presennol (a myfyrwyr yn y dyfodol), mae prosesu'r data sy'n gysylltiedig â gwneud y recordiad yn cael ei gynhyrchu er budd cyfreithlon dysgu ac addysgu, ac felly'n cydymffurfio â Rheoliad Diogelu Data Cyffredinol a'r Ddeddf Diogelu Data 2018.

Canllawiau technegol ar ddefnyddio Panopto Mae canllawiau ar ddefnyddio Panopto ar gael ar wefan Gwasanaethau Technoleg Gwybodaeth ac mae'n cynnwys fideos ar ddefnyddio'r feddalwedd a gwybodaeth am y cyfleoedd hyfforddi sydd ar gael (<https://www.bangor.ac.uk/itservices/lt/lecturecapture.php.cy>).